



414

Broj: 02-02- 815-1/24

Datum: 19.04.2024.

Na osnovu člana člana 15. stav (1) alineja (2) Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 9. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“ broj: 1/22) i člana 5. stav (4) Odluke o osnivanju Savjetodavnog odbora građana Grada Lukavac („Službeni glasnik Grada Lukavac“, broj: 04/24), Gradonačelnik objavljuje:

**JAVNI POZIV
za izbor i imenovanje članova Savjetodavnog odbora građana Grada Lukavac**

Član 1.

Objavljuje se Javni poziv za izbor i imenovanje članova Savjetodavnog odbora građana Grada Lukavac.

Član 2.

Kandidate za članove Savjetodavnog odbora građana mogu predložiti:

- organizacije civilnog društva,
- javna preduzeća,
- javne institucije,
- privatni poslovni subjekti locirani u JLS,
- profesionalna udruženja (udruženje poslodavaca, privredne komore i sl.),
- udruženja i fondacije koje u skladu sa svojim statutom provode aktivnosti usmjerene na žene, mlade i/ili marginalizovane kategorije,
- građani-aktivisti svih starosnih skupina.

Prijave kandidata za članove Savjetodavnog odbora građana iz stava 1. ovog člana dostavljaju se Službi za društvene djelatnosti i upravu u pisanoj formi. Prijava mora ispunjavati kriterije za izbor članova i mora biti ovjerena od strane ovlaštene osobe predlagača.

Prijava iz stava (2) ovog člana ne mora biti ovjerena izjava ukoliko se radi o kandidatima koji pripadaju neformalnoj inicijativi građana i neformalnoj grupi i zainteresovanom pojedincu.

Članovi Savjetodavnog odbora građana is stava 1. ovog člana moraju ispuniti opće uslove, kako slijedi:

- da su punoljetna lica sa prebivalištem na području grada Lukavac,
- da nisu državni službenici na bilo kojem nivou vlasti,
- da nisu zaposleni u lokalnoj upravi i
- da nisu članovi organa političke stranke.



Član 3.

Kriteriji za izbor članova Savjetodavnog odbora građana su:

- motiviranost da postanu članovi Savjetodavnog odbora građana,
- prethodno iskustvo u inicijativama/projektima u lokalnoj zajednici,
- čvrsta opredjeljenost da po potrebi izdvoje najmanje 10 sati mjesečno za volonterski rad tokom 24-mjesečnog mandata,
- želja da doprinesu pozitivnim promjenama u zajednici,
- drugi relevantni kriteriji.

Članovi Savjetodavnog odbora građana imenuju se na period od 24 mjeseca.

Član 4.

Djelokrug rada Savjetodavnog odbora građana obuhvata sljedeće oblasti:

- pružanje savjeta i podrške jedinici lokalne samouprave (u daljem tekstu: JLS) u angažmanu građana u procesima lokalne uprave i identifikaciji novih prilika za učešće građana. U saradnji sa nadležnim predstavnicima JLS, Savjetodavni odbor građana organizovati će prilike za građane da na direktan ili indirektan način učestvuju u definisanju, planiranju i realizaciji potreba i prioriteta u oblastima koje se smatraju izuzetno značajnim za zajednicu, kao što su pružanje usluga, priprema budžeta, prostorno planiranje, prevencija korupcije i sl.,
- učestvovanje u nadzoru i praćenju provedbe ključnih funkcija JLS (kao što su realizacija budžeta, provedba lokalnih strategija i akcionih planova i sl.),
- zagovaranje provedbe projekata i inicijativa koje su građani identificirali kao prioritetne. Pri tome, Savjetodavni odbor građana podržati će napore organizacija civilnog društva i ostalih lokalnih partnera da povećaju budžetsku pismenost, pitanje zagovaranja i sl.
- pružanje pomoći JLS da povećaju svijest i unaprijede načine informisanja građana o njihovom radu, kako bi osigurali da informacije budu usmjerene na i dostupne svim građanima, uključujući žene, mlade i marginalizirane grupe.

Osim ovih ključnih oblasti djelovanja, Savjetodavni odbor građana, može poduzimati i ostale aktivnosti u dogovoru sa nadležnim predstavnicima JLS.

Mandat Savjetodavnog odbora građana će biti utvrđen opisom specifičnih aktivnosti, koji će biti izrađen u toku uspostavljanja Savjetodavnog odbora građana.

Član 5.

Prijave kandidata za članstvo u Savjetodavnom odboru građana je potrebno u pisanoj formi dostaviti neposredno na protokol Grada Lukavac, poštom na adresu: Grad Lukavac, Služba za društvene djelatnosti i upravu, Trg slobode bb sa naznakom „za Savjetodavni odbor građana Grada Lukavac“ ili putem e-mail adrese: minela.cosic@lukavac.ba, najkasnije do 26.04.2024.godine do 15³⁰ h.

Uz prijavni obrazac potrebno je dostaviti kratko motivaciono pismo, životopis/biografiju, dokaz o mjestu prebivališta (CIPS).

Neblagovremene i nepotpune prijave neće se uzimati u razmatranje.

Član 6.

Obrazac za podnošenje prijava kandidata za članstvo u Savjetodavni odbor građana koje predlažu zainteresirane lokalne organizacije (O1) kao i Obrazac za podnošenje prijave za članstvo u Savjetodavni odbor građana od strane građana (O2) koji predstavljaju lokalnu zajednicu bez organizacione pripadnosti, nalaze u prilogu ovog Javnog poziva i mogu se preuzeti sa web stranici Grada <http://www.lukavac.ba/> ili se mogu preuzeti direktno na info pultu Grada.

Član 7.

Javni poziv je istovremeno objavljen na web stranici Grada <http://www.lukavac.ba/> i oglasnoj ploči Grada Lukavac, a obavještenje o objavljenom Javnom pozivu i njegovom sadržaju će se emitirati i putem lokalnih sredstava informiranja kao i putem mjesnih zajednica, lokalnih medija, lokalnih organizacija civilnog društva i poslovnih subjekata. Javni poziv ostaje otvoren 7 (sedam) dana od dana objavljivanja.

Član 8.

Služba za opću upravu i društvene djelatnosti će na osnovu pristiglih prijava izvršiti provjeru ispunjavanja uvjeta i kriterija od strane prijavljenih kandidata i u roku od 5 (pet) dana od isteka roka za podnošenje prijave formirati Komisiju za izbor kandidata koja će sačiniti izvještaj o provjeri te utvrditi listu kandidata koji ispunjavaju uvjete i kriterije iz Javnog poziva.

Kandidati s najvišim ocjenama ulaze u uži izbor i bit će pozvani na razgovor. Ukoliko bude prijavljeno četiri (4) ili manje kandidata bez obzira da li predstavljaju organizacije ili građane u tom će slučaju svi kandidati biti intervjuirani. Prilikom konačnog izbora, u mjeri u kojoj je to moguće, Komisija za izbor će voditi računa o zastupljenosti svih starosnih skupina, jednakopravnosti spolova, vještinama i obrazovanjem prijavljenih kandidata.

Izvještaj o izboru kandidata za članstvo objavljuje se na web stranici Grada <http://www.lukavac.ba/> kao i na oglasnoj ploči gradske uprave.

Član 9.


Gradonačelnik će, nakon objave popisa važećih kandidatura, u roku od 5 (pet) dana od objave izvještaja iz člana 8. Javnog poziva, donijeti Odluku o imenovanju članova Savjetodavnog odbora građana.

Član 10.

U postupku imenovanja članova Savjetodavnog odbora građana, vodit će se računa o potrebi ravnopravne zastupljenosti osoba oba spola, učešću mladih, osoba starije životne dobi kao i predstavnika marginaliziranih skupina.

Obrađivač
M.Č. *Mirela Bubić*

POMOĆNIK GRADONAČELNIKA
Mirela Bubić, diplomirani pravnik



GRADONAČELNIK
Edin Delić
dr.sc. Edin Delić

Dostavljeno:

1. Gradonačelnik
2. Oglasna ploča 2x
3. Služba za društvene djelatnosti i upravu
4. Web stranica – za objavu
5. Arhiva